



## UN VISITA PRESSO WOLFGANGSEE

**Le narrator:** *Omnes, qui ama operettas e films de musical, certo cognosce le laco Wolfgangsee in Austria. In le charmante ambiente inter le montanias se trova le parve villages Sankt Gilgen e Sankt Wolfgang – le ultime con le famose “Hotel Weißes Rössl” (Le Cavallo Blanc).*

**Petro:** Anna e Paulo, pote vos yodelar?

**Anna:** Yodelar? Proque demanda tu isto?

**Petro:** Nos es in le pais del tirolese, e tirolese yodela.

**Paulo:** Tu ha vidite troppo de films. Io es secur que le gente ci non vade in le villa-ge e yodela.

**Petro:** Non sia secur de isto! Audi ... qualcosa occorre. Il ha musica. Veni con me in iste direction.

**Anna:** Il debe esser al parve placia central ci in Sankt Gilgen con le belle parve fontana con le figura con le violinista.

**Paulo:** Il sembla como si anque multe al-tere gente va in le mesme direction.

**Petro:** Ho ho, vide! Un orchestra de tirolese in lor vestimentos traditional con cap-pello, gilet, pantalones curte e scarpas con fibula de auro. Nos vermente ha for-tuna.

**Anna:** Certo, nos vide le costumes tradi-tional folkloristic ante nostre oculos – e mesmo si io non ha jammais amate trop-po le musica tirolese, io debe admitter que in iste ambiente illo es perfecte.

**Paulo:** Il ha un café la, ubi nos pote seder al terrassa – de facto isto es sur le strata, ma le area es circumferite de un parve barriera de ligno. Allora nos pote seder e biber un tassa de caffè o the e forsan mangiar qualcosa, durante que nos regu-arda le vita que passa sur le placia.

**Anna:** Exactemente como al cafés in Paris. E mesmo si il certo non ha tante gente como in Paris, multissime personas visita iste village. Io assume que multes es tou-



ristas, ma isto certo non es illes in le co-stumes tirolese.

**Narrator:** *Nostre tres amicos trova un tabula al exterior, e durante que illes bi-be un tassa de caffè – Anna bibe chocola-te – e mangia un sandwich con caseo e gambon o con salami, illes planifica le postmeridie.*

**Paulo:** Io amarea visitar Sankt Wolfgang e vider le famose “Hotel del Cavallo Blanc”. Secundo le guida on pote com-prar un billet pro le nave e cruciar le laco. Le nave ammarra toto proxime al hotel, se dice ci.

**Anna:** Oh, isto nos debe facer, absolute-mente. Io ama navigar, e le die hodie es si belle con multe sol e quasi nulle vento. Io es secur que le tour a transverso le laco essera bellissime.

**Petro:** E de facto anque Sankt Wolfgang es dicite esser un village typic con un bon atmosphaera e belle motivos. Io apportara mi camera.

**Narrator:** *E allora Anna, Paulo e Petro prende le nave a transverso Wolfgangsee. Illo functiona como un autobus maritime e ammarra al parve quais del villages. Alcunos descende, alteres veni a bordo*

*del nave. Petro prende multe photos. Anna e Paulo mira le paisage e le montanis.*

**Anna:** Vide! Ecce le famose hotel. “Hotel Weißes Rössl” se dice sur le faciada. E vide le flores sur le balcones.

**Paulo:** Si, illo vermente ha un location bellissime con vista supra le mar. Ma io debe admitter que io non me imaginava que le muros esseva jalne. Illos non es assi in le film que io videva.

**Petro:** Probabilmente on seligeva un altere edificio pro le film. Como io lo memora, le action del film ha loco sur un collina con multe herba verde. Isto eserea impossibile ci in Sankt Wolfgang, ubi tote le casas es construite toto vicin le unes al alteres.

**Anna:** Ma isto non importa. Io ancora pensa que isto pare esser un village que pote dar nos multe aventuras e bon photos, nonne?

**Paulo:** Absolutemente – ma il sembra que



nos anque debe navigar inter multe touristas... Totevia, isto non importa ora.

Nos es in vacantias, e nos debe experimentar toto.

**Petro:** Exactemente, e primo io desira experimentar le tortas del restaurante de “Hotel del Cavallo Blanc”!

**Paulo:** De accordo! Le barca es quasi al quai. Tene firme le parapetto, assi que nemo cade in le laco...!



## UN VISITA PRESSO WOLFGANGSEE

1 Associa cata parola con un expression o un synonymo.

- |                              |           |    |   |
|------------------------------|-----------|----|---|
| 1. <input type="checkbox"/>  | ammarrar  | A. | pecias de carne salate de un porco                  |
| 2. <input type="checkbox"/>  | vento     | B. | parve bassino con aqua                              |
| 3. <input type="checkbox"/>  | operetta  | C. | un sorta de jaco curte sin manicas                  |
| 4. <input type="checkbox"/>  | café      | D. | un barriera que preveni que on p.ex. cade in le mar |
| 5. <input type="checkbox"/>  | seliger   | E. | pecia musical ubi on canta – ma non tote le tempore |
| 6. <input type="checkbox"/>  | parapetto | F. | approximar se al quai                               |
| 7. <input type="checkbox"/>  | gilet     | G. | prender un ma non le altere                         |
| 8. <input type="checkbox"/>  | gambon    | H. | cantar in un maniera special, usate in le montanias |
| 9. <input type="checkbox"/>  | yodelar   | I. | movimento plus o minus forte del aere               |
| 10. <input type="checkbox"/> | fontana   | J. | un loco que servi cosas a mangiar e biber           |

2 Marca con un **X** le option correcte.

1. In qual pais se trova Sankt Gilgen e Sankt Wolfgang?

- a.  Germania b.  Tirol c.  Austria

2. Que non porta le membros del orchestra tirolese?

- a.  pantalones curte b.  cravata c.  cappello

3. Qual instrumento sona le figura in le fontana al parve placia central?

- a.  tuba b.  piano c.  violino

4. Que es differente del hotel real e illo in le film?

- a.  le color del muro b.  le balcones con flores c.  le fontana con figuras

5. Qual sandwiches *non* mangia nostre tres amicos

- a.  gambon e caseo b.  pullo c.  salami

3 Scribe le parola correcte e completa le phrases.

**circumferite • a transverso • tassa • motivos • mesme • cade • yodelar  
village • region • terrassa • parapetto • porta • favor**

Le tirolese ama \_\_\_\_\_ in le montanias. Da me un \_\_\_\_\_ de the, per \_\_\_\_\_.

Le \_\_\_\_\_ del café es \_\_\_\_\_ de un parve barriera. Sur le nave un \_\_\_\_\_

assecura que on non \_\_\_\_\_ in le mar. Le tour \_\_\_\_\_ le laco es phantastic. Iste

parve \_\_\_\_\_ contine multe belle \_\_\_\_\_ que on pote photographiar. Le musicos

omnes va in le \_\_\_\_\_ direction e \_\_\_\_\_ vestimentos traditional del \_\_\_\_\_.

Resposas: 1. 1G 2J 3F 4A 5B 6D 7E 8I 9H 10C; 2. 1C 2A 3B 4C 5C; 3. 1. de 2. dl 3. in 4. pro 5. in 6. super 7. con, verso 8. per